



22172

III


Mag. St. Dr. P

Margowski Andrzej Rudolphi: Lubricum mortalis
vitae Soluae etiam pontificinae inevitabile.

PANEG. et VITAE

Polon. Fol.

№ 1591.



762
L V B R I C V M

MORTALIS VITÆ

SOLEÆ etiam Pontificiæ

Inevitabile,

In luctuosissimo obitu

ILLVSTRISSIMI & REVERENDISSIMI DOMINI

D. STEPHANI

à Magna Chrzastow

WIERZBOWSKI

Dei & Apostolicæ Sedis Gratiâ

EPISCOPI POSNANIENSIS

Nominati & Electi in Archipræsuleam di-

gnitatem Gnesnensis

Ad exequialem iustorum funebrium memoriam

In Ecclesia Cathedrali Posnaniensi

die ab obitu 6ta celebratam

In Orphano dolentium

Illustrissimorum, Perillustrium, & Reue-
rendissimorum Prælatorum,

Totiusq; Peraugusti Capituli Posnaniensis conspectu

In vim debitæ erga Benefactorem suum gratitudinis

Nomine Pontificij Collegij Lubransciani

Extemporaneo Calamo

A M. ANDREA RVDOLPHO MARGOWSKI

In Alma Universitate Cracovien: Philosophiæ Doctore, ac interea in

Collegio Academia Posnaniensis Philosophiæ Professore.

C E L E B R A T V M

Anno mortalis inter homines Dei 1687.

POSNANIÆ.

In Typographia Rndi D. Alb. erit

Mors munus necessarium est naturæ iam corruptæ, quæ non est fugienda, sed potius amplectenda, ut iterum fiat voluntarium quod futurum est necessarium; offeramus Deo pro munere quod pro debito tenemur reddere.

S. Chrysost. super Matth. 10.

Scilicet omne sacrum mors importuna profanat,

Omnibus obscuras inijcit illa manus.

Ovidius ad Liniam.

Quidquid habet ortus, finem timet, ibimus omnes,

Ibimus: immensis Vrnæ quatit Æacus umbris

Statius lib. 2. Sil.

BIBLIOTHECA



JAGELLONICAE

22172

III



JLLVSTRISSIMO & REVE-
RENDISSIMO DOMINO

D. HIERONYMO

à Magna Chrzastow

WIERZBOWSKI

Dei & Apostolicæ Sedis gratiâ

Episcopo Fessensi, Suffraganeo, Præposito, Vicario
in Spiritualibus, & Officiali Generali Posnaniensi,
Custodi Varfauienti, Sacræ Reg: M. Secr:




*U*bricum mortalis vitæ, in quo quisquis amarissimo huic
vitæ labilis mari fragilè credidit cymbam, congenitâ qua
dam humanae forti necessitate nutare cogitur. Tuo in
pagina reproduco conspectui. Illustrissime ac Reueren-
dissime Antistes. Siccis intueri oculis triste hoc specta-
culum non poteris, cuius nativus amor tanto profundio-
ri vulnere cor & viscera perstringit, quantò arctiori sanguinis vinculo
sacra quadam morum similitudo tristem in animo Tibi facit recordati-
onem. Siquidem promiscuâ Natura lege comparatum est, ut amoris
mensuram doloris ratio impleat, quæ duo communi quodam nexu sibi co-
hærent, & in una amici cordis sede morantur. Verùm lugubres abo-
sterge lacrymas, Prasul dignissime, Fatales contra ausus desiste queri,
excelsæ intuitu felicitatis, quæ nonnisi è sepulchralibus nascitur cineri-
bus phanix, & sera post fata venis. Arumnarum terminum attigit
perpetuas ille omnis gloriæ Olympionices, iamq; in meta est, ad quam
longo desideriorum ambitu & tadio inertes damnans horas contende-
bat. Jam extra omnem incerti exitus & severæ vicissitudinis iterum meo-
ritissimus stetit Antistes, inutile curarum pondus, quod sublimia lace-
so sit, capita, Letheas damnat ad aquas, beatioris seculi novam ordiendo vi-
tam

Tanta illius non inuideamus fortuna. Lubrica perpetuis anteferens
 ad bonis. Capitulum caeleste (quod vati animo spes ingeminat firma)
 plenis iam patet ostijs. strenuo mortalitatis Victori, qui sub gloriosissimo
 Crucis Diuina signo Ducē se gessit fortissimum. tot animorum trophæa, tot
 victrices cordium palmas nectens, euentæ Passionis vestigia Orbi tero-
 rarum demonstrando. Quantus in eo Religionis ardor, quantus pietatis
 zelus? interpretes habemus euentus, quibus in plenissimum sacerrimæ
 laudis assensum. singulorum pectora & animi vincuntur. Verum viam
 in Te factorum tuorum reliquit normam. Præsul Meritissime, Dolebat
 Posnaniensis hætenus Cathedra & Diœcesis quod eum amiserit Pasto-
 rem, quem plenitudo dierum atq; veneranda canities, pro veritate Eco-
 clesiæ Dei, pro æquo & iusto Zelotem intrepidum dedit. At tristes exiit
 nianias, cum Te Patruæ magnitudinis vadem habeat, qui Atlanti illi in
 partem solliciti laboris & curarum onus, novus Alcides ad ferendam cæ-
 li huius molem succedis, Primus Pexaugusti Capituli Posnaniensis Præ-
 latus, ac velut inter primæ magnitudinis sidera pietate ac sapientiâ,
 Orbi Polono conspicuâ, velut inter ignes luna minores, Tua Te latere
 non sinit Maiestas. Exorere clarior post lugubria hæc nubila Phæbus,
 & grandioribus meritissimum Caput Tuum Infulis, virtutes Tuæ &
 merita coronent. Annuant voto superi & doloris magnitudinem pari ho-
 noris sacri accessu impleant. Quod cum Academia nostra Posnaniensis
 obseruantissimo Tibi ex animo optat, simul submisit petit, vt extemporat-
 neam hanc & vnius diedopellam à me Magno Tuo Nomini oblatam, pleno
 beneuolentiæ sinu accipias, & in quo repentinus peccauit calamus, supe-
 pleat id gratiæ Tuæ magnitudo, ita precatur.

Illustrissimæ & Reuerendissimæ Dominationis suæ.

Cliens obseruantissimus

M. A. R. Mārgowski, Phil:
 Doct: P. Pr:



L V B R I C V M

MORTALIS VITÆ

Soleæ etiam Pontificiæ

Inevitabile.

Fatorum vis amara

Et sua fragilis vitæ necessitas

Glaciale plusquam mare

In Marpesijs dolentium fibrarum venis

decumano iusti doloris sensu

Diuturnis plangentis xui luctibus nec interrupto gemitu.

Funestarum in dies, horas, & momenta cladium

Immani cumulat accessione:

Vnde displicentem sibi Generis humani gustum

Feralis amaritudo torquet.

Ne peritura sapiat.

Quæ paululum gustata necant,

Euanidæ dulcedinis conscios, maiori calamitatum acrimoniâ
quàm suauitate.

Atq; procella hæc quâ premimur mortales

Iam in glaciem desijt

Non brumæ cuiusvis sed importunæ vicissitudinis

Asperitate indurata:

¶ Gressum hic figere non tutum est,

Quisq; hic sua mole ruit

Graui sarcina & cumulado aduersarum vicium pondere

Ad ima Vrnæ sepulchralis trusus.

Nec mirum esset si nudo ac inermi quispiam calce

Viam hanc mortalibus datam tereret,

At, quibus excelsum genus

Et fastigiatus honorum apex

Non exquisitâ Steropis aut Vulcani cuiusvis Arte.

Nec Cyclopum manibus fabricatum

Suppetit munimen.

Sed Gentilitiam SOLEAM tot virtutibus

Meritq; in Patria, Ecclesia, illustrem

Longo Consiliorum, Legationum

ab usu solem ex Solea dantem,

Illustris Accipitrinorum accendit Prosapia.

Et ecce dum ad fastigia honoris in Toga sacri

A

Virtuo

Virtutum meritorumq; stimulis vrgentur
 Lubricum vitæ Mors sæua obijcit
 Ne in sublimi videret quos cæca turbine
 Ad infima depreffit.

*Inuidafatorum series rebusq; supremis
 stare negans*

Exemplum ferale non sine lacrymis spectate

In Illustrissimo & Rndissimo Domino
**D. STEPHANO à Magna Chrzastow
 WIERZBOWSKI,**

Dei & Sedis Apostolicæ grariâ Episcopi Poseniensis
 Nominati & Electi in Archipresuleam Dignitatem
 Gnesnensis.

In quo splendoris Auiti decus

In omne Laudis genus grandiori deductum incremento
 Maiestatis suæ reliquit prodigia. (cet

Nam si à prima Origine laudatissimæ stirpis radios diducere pla
 lastrzembeciorum sanguine purpuratus

in fascijs decor in eam creuit amplitudinem

Qua nunc conspicuus WIERZBOWSCIORVM fulgor

In Episcopali bus Cathedralis, Senatorijs Palatinorum ac
 Castellanos Curulibus

Excelsi Nominis culmina pandit. (rapiat,

Atq; ne antiquioribus calamum vestigijs Domus hæc augusta,

Recentioribus exemplis mens intenta hæret.

I.

Series Honorariæ successionis ac Auita

Prosapia Illustrissimi Præsulis.

Grande filialis excellentiæ argumentum est

Laus Paterna,

Nec plus sanguinis in Nepotû cunabula redundat quam gloriæ

Plerumq; enim Generis stirpi inest virtus Paterna

Nam fortes creantur fortibus & viris nec feroces
 progenerant Aquilæ columbas,

Illustrissimus, tot egregijs in Toga & Sago factis

Illustrissimi Præsulis Parens

NICOLAUS WIERZBOWSKI

Castellanus Inovlodensis

Vir ad Insignia Honoris Trabeati Natus

Consilio Confusus, Celebris sed Marte Camillus

Cæsar ex utroq;

Qui ut posthumum vitæ suæ dispendium suppleret,

Quinariam in filijs progeniem reliquit

Vel eo gloriosiore

Quo

Quò maior in singulis inuicti pectoris celsitudo
 Eximia paludatae felicitatis fastigia
 Non remore attigit passu.

Nam ALBERTVS WIERZBOWSKI Magni Parentis non de-
 Sanguinis & Virtutis iure hères (gener filius
 Patrio post fatà successit honori

INOVLODENSIS PURPURÆ Insignibus decoratus:
 Cuius excelsis dotibus & rarè in agendis rebus prudentiæ
 Inuictissimi & Potentissimi Regis

VLADISLAI Quarti Magnitudo

Tantum tribuit quantum satis erat

Vt ad FERDINANDVM Secundum
Romanorum Imperatorem

Legationis munere fungeretur.

Iuit desultorio sui sanguinis tramite &

VLADISLAVS WIERZBOWSKI

Palatinus Brestensis,

Generis & felicitatis gradu secundus Frater.

Qui fortitudinis equè ac sapientiæ monumentis
 Tot saluberimorum consiliorum palmis, tot victricibus

Ac præcipue Berestecensibus laureis memorandus
 Cum centuriatis comitijs, ac vnanimi animorum calculo.

Lanciciensis Palatinatus Ductor stetit

Contra immanes hostium phalanges

Heros & Dux Inuictissimus.

Quid dicam de SIGISMUNDO

WIERZBOWSKI

Vexillifero Lanciciensis

Cuius magnitudo patrio capi orbe nescia

Etiã in exteris Gentibus Wierzbouianæ Soleæ

Impressa reliquit vestigia

Dùm à PHILIPPO TERTIO

Hispaniarum Rege ad

FERDINANDVM TERTIVM

Imperatorem Romanum,

Munus & Onus Legationis ei committitur.

Felix profectò WIERZBOVIANÆ Domus Propago

Quæ etiã externorum Principum testimonio

Patriæ suæ commendatur.

Ut pari gloriæ magnitudine Patrio probetur solo,

Quà soli exotico placuit.

Iuit ad similem prodromi honoris Clivum &

HIE-

769
HIERONYMVS WIERZBOWSKI.

Palatinus Siradiensis.

Fraterno ad summa quæque exemplo inuitatus
Principibus Sarmaticis unice dilectus.
Sicque Regni pectoris medullam sui amore occupauerat
ut

a **VLADISLAO QVARTO.**

Ad Serenissimam Sponsam.

LVDOVICAM MARIAM GONZAGAM

Regalis vice Paranimphi.

In Gallias mitteretur.

Fortunatus sane Orator, qui Augustis mentibus
Tantum poterat persuadere
Quantum satis erat ad fœdera Regalium Connubiorum incunda.
Compleuit quinarium Trabeatæ stirpis numerum
Sacro sui Honoris accessu

Illustrissimus & Reuerendissimus Præsul.

Vt pace tantorum Nominum omittam.

LVCAM WIERZBOWSCIVM

Vexilliferum Lancientem Capitaneum Dibouientem,

Qui deposito profano honoris ambitu,
Cælesti fœdere Sanctioribus mentem adiecit studiis:
Iam tunc amissas Paradisi prælibans delicias,
Quando Paradisiensem meruit Abbatiam.

Tacebo &

STEPHANVM WIERZBOWSKI.

Vexilliferum Siradiensem

Virum ad xui elegantioris normam Natum.

Tacito venerabor silentio

NICOLAVM WIERZBOVIVM

Capitaneum Dibouientem

Summis quibusque honoribus parem:
Ni diuturnum factorum cursum ad metam gloriæ contendentem
Factorum malignitas impediret.

Prætereo tot meritissima belli pacisque artibus Nomina

Quæ Auita sua in Solea

Non vano nomine quendam accendunt Zodiacum.]

Tot sideribus quot Caput luminibus insignem.

Wierzbouianæ obiecta Solea

Feralem non semel pati ecclipsim coacta

Luna othommanica,

Cuius plena tumoris cornua

Crucis Soleatæ robore diminuta

Menstruam

Menstruam fateri coguntur paupertatem:
Dum inuictissimorum Wierzbouiana de Gente Heroum
Inuictatâ dexteritate

Obstinatas duræ Gentis Ceruices calcari,
Fessa iam suis stragibus Patria
Non sine animi sui læticia spectauit.
Cadmeam in pericula Progeniem admirata
In sanguine Wierzbouiano.

Tam illustri sui generis satellitio stipatus
Illustrissimus Præsul:

Feralem mortis ictum declinare ex arcano debuerat,
Ut diuturniori Honoris sacri Maiestate
Ecclesiæ, Patriæ, uniuersisque Ciuibns affulgeret.

II.

Illustrissimarum Prosapiarum cognatum,
Decus ad urnam Præsulis Illustrissimi longo
affinitatis fœdere deductum.

Non indiga equidem lucis alienæ felix de suo
Wierzbowsiorum Magnitudo,
Sed ut unitis tot luminum radiis clarior
Inter funesta hæc Mortis nubila Phœbus noster appareat,
Ex Occasu illius

Diffusæ lucis ortum metiamur.
Pertinet ad complementum tantæ amplitudinis,
Fortunata Opalensiorum Argo,

Cui felicem affinitatis Anchoram
Wierzbouii Generis Crux Soleata dedit.
Ut Sub Maternis Accipitrinorum auspiciis,
Bonis aubus

Ad Insulas contenderet fortunatas.
Accedit ad lugubrem hanc Crucis Soleatæ Pyram.
Lesciniani Vri victima

Quæ

Aureo Oris rotundi circulo æternitatem
Wierzbouianæ præsagit Domui.

Sunt infractæ Grudziensiorum Turres
Quæ triplici desuper situ quoddam immortalitati.
Wierzbouianæ designant Capitolium.
Est Gembicciorû Fascia alligandis faucibus Patriæ vulneribus idonea
Ac fœderato sanguinis utriusque nexui accommoda.
Statuitur ad tristem Pontificiorum Cincrum urnam
Truncata in tot Patriæ suæ insignia
Plusquàm Dodonea Arbor
Grzymultouiana,

B

Orba-

Orbatz trophæa Patriæ decissis exhibens ramis,
Oracula loquens.

Sunt tot aliæ Vetusissimæ tot Familiarum Domus
Quæ longo cognati sanguinis ordine

Wierzbowianam comitantur Soleam,

Pertinent hûc iure Materni sanguinis Lacciorum Pisces
Famelico Patriæ suæ gustui toties subuenientes,
In arduis naufragæ salutis periculis.

Pertinent Dzialynianæ Sagittæ metam gloriæ attingentes
Vt omittam

Zegoccios, Suieciccios, Lascios, Pacios, Wexheros
Wolffios, Donhoffios.

Sexcentaque alia tot Prasapiarum decora
Quæ lugubri serie

Luctum, & funebrem Præsulei Nominis pompam
Lacrymis parentalibus prosequuntur.

III.

**Illustrissimi Præsulis dotes, uirtutes, merita
& honores, elogiasticâ narratione
percurruntur**

Magna quidem hæc sunt Præsulex Celsitudinis, quæ iam spectamus documenta,

Sed quia, hæc debentur naturæ, non factis
Ideo maiora audiamus.

Atq; si primum vitæ diluculum, & iuventutis auroream
intuebimur,

Facile totius diæ præfagia explicabit,

Flos ille ætatis primæ Omnis honesti & virtutis symbolum erat
Viridique adhuc in herba,

Secuturas gloriæ & sapientiæ palmas necabat & adoras.

Testis ingeniorum Palæstra, Schola Regni,

Fecunda bonarum Artium Altrix,

Alma Mater mea Vniuersitas Cracouiensis

Vbi Regalibus D. Jagellonis sub Sceptris

Pontificali Pædo excelsa aptabatur Indoles

sub Corona, Caput Infulis,

Virtutibus ac meritis capax animus.

Hinc illud Vatis recolens:

E heu, num sumus arbores?

Vt quocunq; loco natus inutili

Duret perpetuum morâ.

Externarum Gentium mores & Ora scrutari instituit,

Hic quantum Sarmaticæ gloriæ fecerit experimentū

Quantum pietatis & sapientiæ testimonium

Parisienses & Romanæ loquantur Palæstræ.

Polonæ in eo Indolis spectatrices.

Ari.

772
Agnouerunt Coronis dignum in Stephano nomen,
Ni Patriæ; ni Ecclesiæ necessitas reditum persuaderet.
Desierunt enim moræ tædium, ubi virtus, in confesso, erat,

Quam Patriæ iam receptam Solo

Augusta Serenissimi Principis IOANNIS Casimiri gratia
coronauerat

Singulari fauore & beneuolentia egregias in eo dignata dotes,
Hinc per gradus veluti quosdam ad altiora ire incepit Præfulis
amplitudo

Referendarii Minoris imprimis titulum nacta.

Mox Serenissimæ Reginæ Poloniarum
MARIAE LVDOVICÆ GONZAGÆ

In Thesaurarij honorem cooptatur

Placuerunt Principi animo dignæ coronari dotes, rotundi oris
Acutior prudentiæ uis & efficax modys (suauitas
Quæ duo si mutuo fœdere socientur etiam Regalibus persuadēt,
Fidum egregiæ indolis amorem. (animis

Quapropter Serenissimus ille Princeps.

IOANNES CASIMIRVS

Clarum Wierzbouianæ magnitudinis agebat Interpretē
Virtutem & Sapientiam in eo commendando.

Hinc post pectoralem Sponsæ Christi Fasciam Tholiboufciā

Cruce Soleata Wierzbowsky.

In Anchoram Nauiculæ Petri conceditur

Certissima Securitatis refugia.

Et spes naufragii pericula damnans.

Et certè amplioribus meritum Caput insigniret honoribus.

Sed fata negarunt, quod Regalia vota promissere.

Cuius nativum splendorem KORIBVTHEA Luna admirans,

Serenissimi MICHAELIS imi gratia.

Et Regiæ Consortis.

Serenissimæ ELEONORÆ amplissimus fauor.

Pium & Sanctum complectuntur Præfulem

Credoq; facile quod à Principe astrorum Cynthia

Genuinum splendorem deriuaret in se

Solea Wierzbouiana.

Nisi feralem præpropera Fata maturarent eclipsim.

Sed etiam Scutum illud Christianitatis impenetrabile

Odrysi Nominis scylla & Charybdis

Serenissimus ac Inuietissimus

IOANNES TERTIVS

Polo-

Poloniarum Princeps

Amauit integerrimum tanto in Præsule candorem,

Amauit illibatæ veritatis Oracula

Velut è Delphico Tripode

In salutem Reipublicæ

Prodeuntia

Agnouitque parem summis sacra in Toga honoribus genium

Fabuloso quouis Atlante meliorem

Cuius exercitatis tot ponderibus humeris

Sacrum Archipræsulex dignitatis fastigium

Turò incumberet.

Sed etiam summum in terris Trabcati honoris calmen

Infra calculum virtutum meritumque fuerat,

Maluitque consummatissima ex omni parte felicitas

Cælestibus coronari præmiis

Quàm laceratam Archiepiscopalis excellentiæ

Prouinciam attrectare.

(alliciunt

Non ita enim purpureæ D. Adalberti Rosæ solo florum odore

Quin aculeis pungant

Animas etiam sine sanguine Martyrias,

Quapropter beatioræ vitæ sublimioris elegit partem

Præsul Meritissimus,

Gloriosius esse reputans

Caducis & fragilibus exui donis, intuitu mercedis æternæ.

Indubitatam etenim spem omnibus facit

Defensa & propagata tenerrimæ Religio

Cuius zelorem integerrimum PRÆSVLEM

Spectauit Terrarum Orbis,

Stupuitque quanto conatu & auditate res sacras perficeret

Animus Divino cultui deditissimus;

Ac præcipuè cruenta Salvatoris Nostri vestigia,

Profundissimo cordis amplexu comprehendens.

Totum se Crucifixo conformauerat

Et dolorosam illius memoriam, adeò humanis imprimi pe-
ctoribus studuit

Vt diuturnis non parceret impendiis

Sumptus huc omnes conuertens.

(menta

Quibus insignia Passionis & humanæ Redemptionis instru-

In elegantioris Maiestatem formæ erigeret

Serilque relinqueret posteris

Genuinam excelsæ mortis imaginem.

Ostendere tempora

Quam cælis placuerit sacrum Præsulis meritissimi opus

In terris relictum

Dum non alio quouis temporis tractu

Hinc ad sublimia cælestis Capitolii evocatur

Sed ea

Sed eâ vergentis anni parte,
 Quâ acerbissima Saluatoris Nostri mors celebratur
 Memoria Passionis
 Sanctioribus animis inculcatur
 Ut operosa sanctimoniz virtus
 Justum accipiat stipendium
 Dùm triumphale Christi labarum profertur:
 Relictis in terra mortis spoliis
 Liber eo contendit animus
 vbi

Pax simul aeterno federe tuta viget:
 Parce mihi Præsulum dignissime
 Jam mihi non Accipitrina indè cāneris Progenies
 Sed Phœnicem Te sæcula dicent,
 Ex augustis Diuinæ Sapientiz Cineribus
 Ad sublimia cæli evolantem.
 Reliquisti nidum cordi Tuo optatissimum
 Spineam Crucifixi coronam
 Inter quas cruenti spectaculi spinas ac tribulos
 Lilia innocentiz & candoris Tui florûere:
 In quorum odorem longa virtutum series
 In capacem Tuam influxit animum
 Velut in vivam omnis honesti encyclopediam
 Accurrebant Religiosi cætus & longus egentium ordo
 Ut de thesauris Tuis velut de penu Amaltheæ,
 Velut de fonte omnis liberalitatis
 Ad satietatem haurirent.

Sed iam
 Amiserunt pullatz Religionum Centuriz
 Beneficum Patrem,
 Qui diuturno æris proprii pretio
 Ædes, Aras, Tempia, totq; alia beneficentiz suæ monumenta
 Restaurabat, erigebat, dotabat
 Lugent viduæ cohortes Protectorem suum
 Orbati pupillorum greges
 Funebribus lamentis querulantur
 Contra importuna Mortis Præsulez Fata
 Quæ dùm vitâ Antistitem exuunt, beneficiis spoliant
 Privatam multorum indigentiam
 Post tot Præsulez amplitudinis monumenta
 Post coronatas vndiq; gratias
 Quæ Præsulei nominis probârunt magnitudinem
 In vitaq; demonstrârunt

C

Quid

Quid Wierzbowiani valeant humeri
quid ferre recusent.

In continuis munificentiae documentis.

Restat ut unitis vocibus & votis

Abeuntem in Regionem longinquam

Comitentur orphanæ indigentium animæ

Quas reliquit, dicantq; simul

Illustrissimo & Rndissimo Domino
D. STEPHANO WIERZBOWSKI
Episcopo Poseniensi

Benefactori Nostro.

Cælestis gloriæ Stephanoma

In æternam cedat

Mercedem.



